

Raymondo Cardona, stato capitano di l' armada di soa maestà. *Item*, altri coloquij abuti insieme, qualli fono secretissimi. *Item*, l' Alviano è ancora li non expedito. *Item*, per avanti si ave dil zonzer di domino Gabrieleto, orator pontificio, et l' audientia abuta dal re.

Fo provà li patroni di Fiandra, qualli a di . . . meteno banco, capitano sier' Piero Bragadim, *quondam* sier Hironimo, fo capitano di le galie di Barbaria.

Fu posto, per li savij, che sier Zuan Badoer, dottor, cavalier, avogador di comun, qual à 'cetado orator a Roma, si parti per tutto il mexe, in *pœna etc.* et habi ducati 30 di più al mexe; et sier Lunardo Grimani, consier, messe havesse ducati 20 *solum* di più. Sier Antonio Zustignan, dottor, savio dil consejo, andò in renga, justificò la parte, e la carestia è a Roma. Or andò le parte, quella di savij non fu presa, *licet* havesse più di 100 balote, perchè la vol li 4 quinti; et poi fo balotà quella dil Grimani solla, et ave il numero, et fu presa.

254. *A di 9.* Fo *etiam* pregadi. Steteno fin horre 4 di note. Fo gran consultation, cazà li papalista. Fo divulgato in materia de li vescoadi, *tandem* questa terra non vol dar il vescoa' di Vicenza, per quanto fo divulgato; *quid erit scribam.*

Di Franza, fono letere, di l' orator, date Item, dil zonzer li dil conte Lodovico di Gonzaga, per tuor la raina di Napoli ch' è li, *videlicet* la moglie fo dil re Fedrico, ch' è sua parente, et condurla a li so castelli in Mantoa; et foli donato ducati 6000.

Da Bologna. Come il papa volea partir di Bologna per Romagna. *Item*, do cardinali erano ritornati, stati a Ferara, *videlicet* Narbona et Corner *etc. secretiora.*

A di X. Fo pregadi; steteno fin hore 2 di note. Fo gran disputation, molto secretissimo, *nescio quid*, et non expedita la materia, rimessa a venere, si tien siano materie di liga con Napoli *etc.*, o ver con Franza.

A di XI, fo il zuoba di la caza. De more il principe andò a veder la caza con li oratori, Franza e Hongaria e Ferara. Fo assaissimo populo, et infinite maschare a varij modi vestiti, per esser bel zorno; perhò che questo anno l' inverno è stà bellissimo, nè ha piovesto, *adeo* a questo tempo era per la terra gran carestia di aqua; et in memoria di homeni non si aricorda il mior inverno. Era *etiam* bon mercado di farina, il formento padoan valea soldi 56, quel di Ravena 3 stera al ducato.

A di 12. Fo pregadi secretissimo, cazado li pa-

I Diarii di M. SANUTO. — Tom. VI.

palista; et steteno fino hore 5 1/2, su materie dil papa, per questa soa ritornata a Roma cussi repentinamente. Fono fate molte disputation, et provision a Faenza e altrove; et *solum* se intese la eletion di uno provedador in Romagna, sier Domenego Malipiero, fo provedador a Rimano, *quondam* sier Francesco, qual acceptoe; et qui di soto sarà notado il scurtinio.

Electo provedador in Romagna.

- | | |
|---|--------|
| 8. Sier Zustignam Morexini, fo provedador in campo, <i>quondam</i> sier Marco, | 53.117 |
| 7. Sier Daniel Dandolo, <i>quondam</i> sier Hironimo, | 36.136 |
| 6. Sier Daniel Vendramin, fo ai X officij, <i>quondam</i> sier Nicolò, | 38.134 |
| 10. Sier Piero Duodo, savio dil consejo, <i>quondam</i> sier Luca, | 75. 98 |
| 3. Sier Andrea Loredan, fo cao dil consejo di X, <i>quondam</i> sier Nicolò, | 82. 91 |
| 4. Sier Antonio Bon, fo provedador in Albania, <i>quondam</i> sier Fantin, | 29.147 |
| 12. Sier Fantim Moro, el 40 criminal, <i>quondam</i> sier Antonio, | 28.144 |
| 1. Sier Beneto Sanudo, fo capitano in Candia, <i>quondam</i> sier Matio, | 82. 92 |
| 9. Sier Zuliam Gradenigo, fo capitano a Ravena, <i>quondam</i> sier Pollo, | 48.136 |
| Non. Sier Zuam Diedo, fo provedador in la Patria di Friul, <i>quondam</i> sier Alvixe, | |
| 12. Sier Hironimo Barbaro, fo capitano di la Riviera di la Marcha, <i>quondam</i> sier Piero, | 29.144 |
| 2. Sier Bortolo Contarini, fo di la zonta, <i>quondam</i> sier Pollo, | 27.140 |
| 5. Sier Vincenzo Valier, è di pregadi, <i>quondam</i> sier Piero, | 63.111 |
| 11. Sier Zuan Paulo Gradenigo, fo provedador in campo, <i>quondam</i> sier Zusto, | 94. 78 |
| † 13. Sier Domenego Malipiero, fo provedador a Rimano, <i>quondam</i> sier Francesco, | 97. 72 |

A di 13. Fo consejo di X, 0 di novo.

A di 14, domenega di carlevar.

A di 15. Post 0 fu.

A di 16, fo marti di carlevar. In questo zor-

255